

ثابرات ن بُولوس اِ اِفِيلِيَّيْن

اَسْدَجَم

1 بُولوس ذ ثِيمُوثِيَّو، اِسْمَغان ن يَشُو لَمَسِيح، اِقاع اِمَقْداسن ذي يَشُو لَمَسِيح اِنِي اِدْجان ذي فِيلِيَّي اَك-ذ اِمِحْضايْن ذ اِمَسِيَّارن ن تُسْخارْت. 2 نِيَعْمَت ذ زَهْنا اذ كِيوم اِزِين زي اَرَبِّي بابائِنغ وُ زي سِيذِي يَشُو لَمَسِيح.

اَقاْذِي ذ تازاْذِچِث

3 مَزْمِي ما فِكْارغ ذايوم، تَقاْذِيغ اَرَبِّي اِنُو 4 زَبْدا ذي كُوْر تازاْذِچِث اِنُو، اَم تَزاْذِچِغ اِ كَنِيو مارا س زَفْراحت 5 خ ثُمونْت نوْم اَك-ذ زَخْبَار اَصْبَحان زَنگ واس اَمزوارُو اَز اِضا. 6 اَقا تِيَقْغ بَلِي وِنِي ذايوم اِبْدان زَخْدَمْت اِصْبَحن، اذ ت اِكَمْر اَز اَسن ن يَشُو لَمَسِيح. 7 اِشنا اَبِي اذ فِكْارغ ذايوم مارا اَمُو، مِيَنْزِي اَقا كَنِيو غاري ذَنگ وُز اِنُو وُشا كَنِيو مارا تشارشم اَكِيذِي ذي نِيَعْمَت اِنُو خَمِي دَجِيغ ذي سَناسز وُزا خَمِي خافي اِغا اوْتغ وُ خَمِي اِغا ضَمِنغ زَخْبَار اَصْبَحان. 8 مِيَنْزِي اَرَبِّي ذ اَشْهَاز مَشْحاَز كَنِيو وِخْشَغ س وُز ن يَشُو لَمَسِيح. 9 مان اَبَا اِتْزادِچِغ بَلِي ثايرِي نوْم اذ تَفِيض اَطاس س واطاس ذي ثُموسنا ذ قاع زَفْهاْمَت، 10 اذ ثُرْمَدَم ماْحَنْد اذ تَفارزم، جِيما اذ تِيْرِيْم تَقُورم وُ نَبْزا زَعِيْب اِواسن ن لَمَسِيح، 11 تَشُورم س زَغِيْدِچِث ن تُسْكَذا اِذ اِكِين زي يَشُو لَمَسِيح اِوَعُوْدِچِي ذ وُسْمَعارن اَرَبِّي.

سَناسز ن بُولوس اَرِنِيْنْت ذي تُوزْكَارْت ن زَخْبَار اَصْبَحان

12 اِ اَوْمائِن، نَش خَسْغ اذ تَسْنَم بَلِي ثِيْمَسزايْن اِذ اِبِي اِمَسارن، اَرِنِيْنْت عاْذ ذي تُوزْكَارْت ن زَخْبَار اَصْبَحان، 13 اَز ذ اَبان اِقاع اِنِي ذي تازاْذِث ن شِراع وُ اِقاع زَباقِي، بَلِي نَش ذي سَناسز خ سَبِيْت ن لَمَسِيح 14 وُشا اَزِين اَمَقْران ن ثاوْمات ذي سِيذِي، وُمِي دَجِيغ ذي سَناسز، اِدُوْر غارسن تِيَقْت جِيما اذ سُوْران اواز ن اَرَبِّي س وُفِيض كَنار، نَبْزا تِيَكُوْذِي. 15 واخا شا زايْسِن تَبارْحن لَمَسِيح زي زَحْسَد ذ وُمِنْغِي، ماشا شا نَضْنِي عاوْذ

زِي نَيْتِ ثَشْنَا. ¹⁶ نَيْتِي تَبَارَحْن لَمَسِيح س وُ مَشُوَيْش مَابِي نَيْشَان، تَخْسَن اَذْ خَافِي
 أَرِين زَحْصَارْت اِ سَنَاسَر اِنُو ذِي زَحْس، ¹⁷ مَاشَا اِنْضِي تَكْن ت زِي ثَايرِي، سَنن بَلِي
 اَقَا وَجْذَغ جِيْمَا اَذْ وُ تَع خ زَخْبَار اَصْبَحَان. ¹⁸ مِين اِ غَا اِخْسَارن قَاع؟ مَا اَمُو نَيْغ اَمْنِي،
 وَاخَا س وُ ذَم وَاها نَيْغ س نَيْت، لَمَسِيح اِنُو اَبَارْح، خ وُ نِي فَاْرَحْغ، وَاه، اَذْ فَاْرَحْغ
 عَاوْذ. ¹⁹ مِينْزِي سَنَغ اَقَا مَان اَيَا اَذْ اِسْيُوْض اَر اَسْنَجْم اِنُو س تَوَادْجِيْت نُوْم ذ وُ عَاوْن ن
 اَرُوْح ن يَشُو لَمَسِيح ²⁰ خ زَحْسَاب ن وُرَا جِي اَمَقْرَان ذ وُ سِيْتَم اِنُو بَلِي خ وَالُو وَاْر تَنْذِيْمِغ
 شَا مَاشَا س كُوْر ثَايرَاْسْت، اَمَشْنَاوْ زَيْدَا وُ زَا ذ زَخُو، اَذْ اِنُو اَسْمَاغَا لَمَسِيح ذِي اَرِيْمْت
 اِنُو، مَآ س تُوْدَاْرْت نَيْغ س زَمُوْت. ²¹ مِينْزِي تُوْدَاْرْت اِنَش ذ لَمَسِيح وُ شَا زَمُوْت ذ اَرِيْح.
²² مَاشَا مَازَا عَاوْذ اَرَاغ ذَكْ وُ سُوْم، اَقَا مَان اَيَا اِنَش ذ زَغِيْدْجِْت زِي زَخْدْمْت. عَاوْذ وَاْر
 سَيْنِغ مِين اِ غَا خْضَاْرَغ، ²³ اَقَا-يِي جَاْر ثُنَايْن ن اِغْزِيْسِن. ذَايِي مَوْرِي مَاحَنْد اَذْ رَاْحْغ
 اَذْ اِرِيْغ اَكْ-ذ لَمَسِيح، مِينْزِي مَان اَيَا قَاع حَسْن. ²⁴ مَاشَا اَغِيْمِي ذَكْ وُ سُوْم اِنْخَصْ
 عَاوْذ كَثَاْر ذِي طُوْع نُوْم. ²⁵ زَخُو زَايِي تَوَاسَقْنَعْغ، سَنَغ بَلِي اَذْ قِيْمِغ وُ شَا اَذْ قِيْمِغ غَاْرُوْم
 مَازَا اِرْفَضْز وُ اِرْفَاْحْت ن لِيْمَان نُوْم، ²⁶ جِيْمَا اَسْمَاغَا نُوْم زَايِي اَذْ اِفِيْض ذِي لَمَسِيح،
 خَمِي اِ د غَا يَاسْغ غَاْرُوْم عَاوْذ. ²⁷ اِنْخَصَا وَاها اَذْ تُوْيُوْرْم س وُ وُقَاْر اِ زَخْبَار اَصْبَحَان ن
 لَمَسِيح، جِيْمَا، خَمِي اِ د غَا يَاسْغ وُ شَا اَذْ كَنْبُو اَرَاغ وُ زَا خَمِي اِ غَا غَايْغ وُ شَا اَذْ خَاوْم
 سَرْغ، اَذْ بَدْم نَيْشَان ذَكْ اِجْ ن اَرُوْح وُ س اِجْ ن زَعْمَاْر، اَذْ جَهْدْم اَكِيْذِي ذِي طُوْع
 ن لِيْمَان ن زَخْبَار اَصْبَحَان، ²⁸ وُ شَا وَاْر تَكُوْذْم شَا زِي زَعْدِيَان نُوْم عَمَارْص. مَان اَيَا ذ
 اَعْدْجَم اِ نَيْتِي غَاْر وُ هَلْكَ، مَاشَا اِ كَنْبُو غَاْر وُ سَنَجْم. ²⁹ مِينْزِي اَقَا اَمُوْش اُوْم ذِي طُوْع
 ن لَمَسِيح، وَاْر اِدْجِي اَذْ ذَايْس ثَاْمَنْم وَاها مَاشَا عَاوْذ مَاحَنْد اَذْ تَوَاْمَاْرْتَم ذِي طُوْع نَسْ،
³⁰ مِينْزِي غَاْرُوْم اَمْنِغِي ذ اِجْن اِ ذَايِي تَرِيْم وُ شَا زَخُو تَسْرِيْم اَقَا-ت ذَايِي.

اَوَاضَع ن لَمَسِيح

2 مَازَا ذِيْن شَا ن وُ شَجْع ذِي لَمَسِيح، مَازَا ذِيْن شَا ن وُ فُوْج اِ ذ اِكْن زِي ثَايرِي،
 مَازَا ذِيْن شَا ن ثَمُوْن ن اَرُوْح، مَازَا ذِيْن شَا ن ثَحُوْنَشْت ذ اَرْحْمْت، ² كَمْرَم
 زَفْرَاْحْت اِنُو وُ مِي اِ غَا اِمُوْن اَرَاي نُوْم، اَذْ غَاْرُوْم تِيْزِي ثَايرِي ذ اِشْتَن وُ شَا اَذْ تِيْرِيْم س
 ذِمَام ذ وُ خَاْرَاْص ذ اِجْن. ³ وَاْر تَكْم شَا وُ زَا ذ اِشْت ن زَحَاْجْت س وُ مَشُوَيْش نَيْغ زِي
 ثُوْفْت اِخْوَان، مَاشَا اَجْ اَذْ اِوَقَاْر اِجْ وَنْضِي كَثَاْر زَكْ اِخْف نَسْ س وُ وَاَضَع. ⁴ وَاْر اِخْتَاْر
 وُ زَا ذ اِجْ غَاْر ثَمْسَرَايِيْن نَسْ وَاها، مَاشَا كُوْر اِجْ اَذْ اِخْتَاْر عَاوْذ غَاْر ثَمْسَرَايِيْن ن اِنْضِي.
 اَذْ ذَايُوْم تِيْزِي نَيْت اِ ثُوْغَا ذِي لَمَسِيح يَشُو، ⁶ وُ نِي، وُ مِي اِدْجَا ذِي صِيْفْت ن اَرِيْ، وَاْر

اِحْسِيْب شَا ذُ ثُوَشْفَرَا وُ مِي ثُ ثُوغَا اَمَّ اَرِّي ذُ اِجَن،⁷ مَاشَا اِسْخَا اِخْف نَس، اِكْسِي صِيْفَت ن اِسْمَع، اِدُوْر اَمَّ اُوْدَان. ⁸ اَقَا اِتُوَاف ذِي صِيْفَت ن بِنَادَم، اِسْوَاضِع اِخْف نَس وُ شَا اِدُوْر اِطَاع اَز زَمُوْث، اَز زَمُوْث ن صَالِيْب. ⁹ خَ مَا ن اَيَا اِسْكَاعَد اِث اَرِّي قَا ع سَنَج وُ شَا اِوْش اِس اِسْم سَنَج اِ كُوْر اِسْم، ¹⁰ حِيْمَا ذَكِّ اِسْم ن يَشُو اَذْ اَضَارَن مَارَا اِفَادَن ن اِنِّي اِدْجَان ذَكِّ وُ جَنَّا وُ خَ ثُمُوْرث وُ سَادُو ثُمُوْرث، ¹¹ وُ حِيْمَا اَذْ اِشْهَد كُوْر اِزَس بَلِّي يَشُو لَمْسِيْح ذُ سِيْذِي اِ وُ عُوْدْجِي ن اَرِّي ثَابَاث.

ثِيْفَاوِيْن ذِي دُوْنِيْث،

¹² خَ وُ يْنِي، اَمَّ اِمْعِيْرَن اِنُو، اَمَّ ثُوغَا ثَنَطَّاعَم زَبْدَا، وَا ر اِدْجِي وَا هَا خَمِي حَضَارَغ، زَخُو عَاذ كَثَار خَمِي غَايَغ، خَذَمَم اِ وُ سَنَجَم نُوْم س نِيْكَوْذِي ذُ نَارْجِيْجَاث، ¹³ مِيْنِزِي اَرِّي ذُ وْنِي اِ ذَايُوْم اِخْدَمَن مِيْن اِ غَا ثَخْسَم وُ مِيْن اِ غَا ثَكَم اِ اَرْضَا نَس. ¹⁴ كَمَّ مَارَا نَبْرَا زَعَاكَاسْث وُ نَبْرَا اَمْشُوْبَش، ¹⁵ حِيْمَا اَذْ تِيْرِيْم نَبْرَا زَعِيْب وُ نَبْرَا ثَاخْمُوْجِي، ثَاوَرَا ن اَرِّي نَبْرَا اَضْرَام ذِي زُوْسَط ن جِيْر اِعُوْجَن ذُ اِفَارَعَن، اَذْ شَعَشَعَم جَارَا سَن اَمَّ ثِيْفَاوِيْن ذِي دُوْنِيْث، ¹⁶ اَمَّ ثَنَطَّفَم ذَكِّ وَاوَا ز ن ثُوْدَاْرث حِيْمَا اَذْ غَا رِي يِيْرِي اَسْمَعَارْ ذَكِّ وَا سَن ن لَمْسِيْح وُ شَا وَا ر وُ يُوْرَغ نِيْغ خَذَمَغ بَاظَر. ¹⁷ مَاشَا مَازَا ثَشَاوَرُوْشَغ اَمَّ اِشْث ن ثَضْحِيْث ن ثَسْسِيْث خَ ثَغَارَصْث وُ خَ ثُكْهَآنْث ن لِيْمَانْث نُوْم، اَذْ فَاْرَحَغ عَاوَدْ وُ شَا اَذْ اَرْشَقَغ اَكِيْدُوْم مَارَا. ¹⁸ خَ وُ يْنِي فَاْرَحَم وُ شَا ثَفَاْرَحَم اَكِيْذِي.

ثِيْمُوْثِيُو ذُ اِبَاْفَرُوْذِيْثُوْس

¹⁹ نَش سِيْشِيْمَغ ذِي سِيْذِي يَشُو، اَذْ اُوْم-د سَكَغ ثِيْمُوْثِيُو ذَغِيَا، حِيْمَا اَذْ اِيْرِيْغ خَ زَخَاضَار اِنُو خَمِي اِ غَا سَنَغ اَمْدُوْر نُوْم. ²⁰ اَقَا وَا ر غَا رِي وُ زَا ذُ اِجْ س نِيْث اَمَّ نَتَا، اِيْشِشْ ثَانِيْث نَس اِ ثِيْمَسْرَايِيْن نُوْم نِيْشَان، ²¹ مِيْنِزِي مَارَا اِنْضَبِي يَارزُوْن ذِي مِيْن نَسَن، وَا ر اِدْجِي ذِي مِيْن اِدْجَان ن يَشُو لَمْسِيْح. ²² كَنِيُو نَسَنَم ثَاَقْدْجَبْث نَس، بَلِّي ثُوغَا اِخْدَم اَكِيْذِي ذِي زَخْبَار اَصْبِحَان اَمْشَنَاو اَحْنَجِيْر غَا ر بَابَا س. ²³ نَتَا ذُ وْنِي سِيْشِيْمَغ اَذْ سَكَغ ذَغِيَا، خَمِي اِ غَا زَاْرَغ مَامْش اِ غَا اِفَغ وُ مْدُوْر اِنُو. ²⁴ مَاشَا تِيْقَعْ ذِي اَرِّي، بَلِّي عَاوَد نَش سِيْمَانْت اِنُو اَذْ د اِسْغ ذَغِيَا. ²⁵ مَاشَا اِنْعِيْر اَيِي بَلِّي ثُوغَا اِنْخَصْ اَذْ ذُ اُوْم سَكَغ اِبَاْفَرُوْذِيْثُوْس، وُ مَا ذُ وُ خْدَام ذُ وُ مَجَاهَدْ اَكِيْذِي، مَاشَا نَتَا عَاوَد ذُ اَمَازَان اِ اِتُوَا سَكَن زَايُوْم ذُ اَمْسَخَار نُوْم ذِي مِيْن حَذَاجَغ. ²⁶ مِيْنِزِي ثُوغَا اِوْحْش كَنِيُو مَارَا اَطَّاس وُ شَا ثُوغَا اِكْسِي س وُ مَنُوْس مِيْنِزِي كَنِيُو ثَسْرِيْم بَلِّي ثُوغَا اِهْرَش. ²⁷ ثُوغَا اِهْرَش اَز زَمُوْث، مَاشَا اَرِّي ثُوغَا يَارْحَم اِث، وَا ر

إِدْجِي نَتَا وَاها، أَحَقَّا وُزَا ذ نَش، حِيما وار غاري إِيْتِيْزِي وُفْقُوْص خ وُفْقُوْص. ²⁸س وُيْنِي سَكْغ ث س ناززا أَطاس، حِيما، حَمِي ث إِ غا تْوارم، أَذ تْفارح عاوذ وُشا أَذ ذايي يِيْزِي ذُرُوس ن ومُوس. ²⁹خ وُيْنِي قَبْرَم ث ذِي سِيْذِي س مارا زَفْرَاحْث، وَقارم إِيْني إِدْجَان أَم وَايْنا، ³⁰مِيْزِي خ سَيِّبْث ن زَخْدَمْث ن لَمَسِيح، نُوْغا إِقارَبْ غار زَمُوْث أَم إِسْبَرِ نُودارْث نَس ماحنْذ أَذ إِكَمَر مِيْن إِنْقَصن ذِي نُكْهانت نُوم إ نَش.

أَضْفارن تْزَاغِيْث ن أَرِّيْ ذِي لَمَسِيح

3 اعاد، أ أَيْنا، فارح ذِي أَرِّي. وار خافي يُوْعار أَذ اوم أَرِيغ تِيْمَسْزايْن-ا تاوارا نَضْني وُشا غاروم ذايْسنت ذ زامان. ²حَضام إِخف نُوم زَكْ يِطان، حَضام زَكْ إِخْدامن إِعْفانن، حَضام زَكْ وُفارطو. ³مِيْزِي نَشِيْن ذ أَخْخان، نَشِيْن إِيْني إِخْدَمْن إِ أَرِّي س أَرُوح ن أَرِّي، إِيْني إِسْمَغارن ذِي لَمَسِيح يِشُو وُشا وار تِيْقنْ شا ذَكْ وَيْسوم، ⁴واخا نَش غاري أَذ تِيْقغ ذَكْ وَيْسوم عاوذ. مازا إِنْغِيْز إِ حد أَذ إِتِيْقْ ذَكْ وَيْسوم، نَش كْثار: ⁵أَقايْي ذ أَمْخْتان زَكْ وامي غاري ثَمْنيا ن وُسان، زِي زَكْسن ن إِسْرايِل، زَكْ أَيْث ن يِنْيامِيْن، نَش ذ أَعْبِيرانِيْي زَكْ إِعْبِيرانِيْين، زِي جِيْهْث ن تاوارْث نَش ذ أَفاريْسي، ⁶زَكْ وُغَزْدِيْس ن شَضارْث نُوْغا ذارْشغ خ ثَمْسُمُونْت ن لَمَسِيح، زَكْ وُغَزْدِيْس ن تُسْكْذا نْثِيْ ذِي تاوارْث أَقايْي نَبْرا زَعِيْب. ⁷ماشا مِيْن نُوْغا غاري أَرْبِح، أَقا كَيْغْ ث ذ تاخْسارْث خ سَيِّبْث ن لَمَسِيح. ⁸واه نِيشان، نَش كَيْغْ عاوذ مارا ذ تاخْسارْث مِيْزِي تاْموسْنا ن لَمَسِيح يِشُو، سِيْذِي إِيْنو، سَنَج إِ مان أَيَا مارا. خ سَيِّبْث نَس نُوْغا نَش خْسارْغ كُوْزِشِي، كَيْغْ ث أَمْشْناو أَفْراض حِيما أَذ أَرْبِغ لَمَسِيح ⁹ماحنْذ أَذ نُوافغ ذايْس، وار إِدْجِي س تُسْكْذا ن إِخف إِيْنو نْثِيْ زِي تاوارْث، ماشا س نْثِيْ زِي لِإِيْمان ن لَمَسِيح، أَقا-ت ذ تاْسْكْذا نْثِيْ زِي أَرِّي س لِإِيْمان، ¹⁰حِيما أَذ ث سَنَغ نْتا ذ جَهْدْ ن تُنوْكَرا نَس وُزا ذ أَعاشارْ ذَكْ وُودْب نَس، حَمِي إِ غا دُوْزغ أَمْشْناو نْتا ذِي زَمُوْث نَس، ¹¹حِيما س شان و بَرِيْذ أَذ أَوْضغ غار تُنوْكَرا زَكْ إِمْتِيْن. ¹²نَش وار تِيوْبِضغ نِيْغ تْواكْمَرْغ عاذ، ماشا كْمارْغ إِ مان أَيَا، حِيما، مازا اِعْدَز، أَذ أَوْضغ، مِيْزِي عاوذ لَمَسِيح يِشُو يِبوْض-د غاري. ¹³أ أومائْن، وار ذ ايْني إِنْغِيْز أَقا طَفْغْ ث، ماشا تَكْغ إِشْث ن زَحاجْث، نُوغ مِيْن أوارْني أَيِي، أَذ سُوْيزْذغ إِخف إِيْنو غار مِيْن ذِيْن زائِي، ¹⁴وُشا كْمارْغ س جَهْدْ غار لغاراض، غار أَرْبِح ن تْزَاغِيْث ن أَرِّي، نْثِيْ زِي سَنَج ذِي لَمَسِيح يِشُو. ¹⁵س وُيْنِي، مَشْحاز مان ندْجا نَكْمَز، أَذ غارْغ تِيْزِي نِيْث-ا وُشا مازا غارْغ نِيْث نَضْني، أَقا أَرِّي أَذ اوم إِسْشَن مان أَيَا عاوذ. ¹⁶ماشا أَر ماني ما نيوْض، حَمِي أَذ نُويور علاْحْساب زَقاعِيْذا

ذ إِشْتَن، أَجَثْ أَذْ إِزِين إِخَارِيَصَن نَعْ ذ إِجَن. ¹⁷ضَفارم أَيِي-د مارا، أ أومائِن، كَسِيَم
 ثِيوصاف إِ يَني يُوِيورن أُمُو عاوَد، أَم مامَّش غاروم ذ لمانال (=مذيا) ذانِغ. ¹⁸أَقَا أَطاس
 وُيورن أَم زَعديان ن صالِب ن لَمسيح، نَبِغ أوم ت أَطاس ن إُمورن، عاوَد نَبِغ ت س
 إِمطاون. ¹⁹أَنكَارُو نَسن ذ أَهْلَك، أَرَبِي نَسن ذ أَعديس وُشا أَعُوَدجِي نَسن ذ أَبَهْدَز نَسن.
 نِشْتِي تَفْكارن ذِي ثَمسَزايِن ن دُونِث. ²⁰ماشنا نَشِين ذ إِمزداغ ذَكْ إِجَنوان إِ زايِنس
 نترجا عاوَد سِيدي يَشُو لَمسيح، أَمسنجم، ²¹وَنِي إِ غا اِبْدَزَن أَرِيَمَت ن ثَمورث، جِيما
 أَذ تَدوزْ أَمشناو أَرِيَمَت ن وُعُوَدجِي نَس خ زَحساب ن جَهْد إِ زِي إِزمار أَذ يار ساذو
 إمان نَس مارا مِين إِدجان.

4 إوا، أ أومائِن إِعِيَزَن إِنِّي إِ وَحشغ، زَفراحت ذ ثَمريست اِنُو بَدَن نيشان ذِي
 سِيدي، أ أَمعِيَزَن. ²نَش تَشَجَعغ وُوذِيبا ذ سِينِثِيشي ماحنَد أَذ إُمون أَراي نَسنت
 ذِي سِيدي. ³واه، تَتارغ عاوَد زايك، أ أَمدوكز أَصديق اِنُو، أَذ ثنت نَعاونذ. نِشْتِي
 مَنغنت أَكْ-ذ وُغَزْدِيَس اِنُو خ سَبِيَت ن زَحبار أَصْبَحان، أَكْ-ذ كَلِيمنس ذ إِخْدامن اِنْضِي
 إِنِّي أَكِيذِي، إِنِّي إِسماون نَسن أَقا-ين ذَكْ وَذليس ن ثُوذارث. ⁴فارحم زَبدا ذِي سِيدي.
 ثاوازا نْضِي قارغ 'فارحم!' ⁵أَذ ثِيَرِي زُضرافث نوم ثواسن غار إِوْذان مارا. أَرَبِي أَقا
 يُوذس. ⁶وار كَسِيَم شا س وْمَنوس خ والُو، ماشا أَذ يِيزي مارا مِين نثارم، اِنْواسن غار
 أَرَبِي س نْواذِچِث ذ نْكَسِيَت ن زَمَعروف أَكْ-ذ وُقاذِي. ⁷وُشا زَهنا ن أَرَبِي إِ اِعْدون مارا
 زَهفامت أَذ إِحضا وُزاون ذ إِخَارِيَصَن نوم ذِي لَمسيح يَشُو. ⁸خ مِين إِقِيمن، أ أومائِن،
 مارا مِين إِدجان ذ ثِيذت، مارا مِين إِقورن، مارا مِين إِسْكَذَن، مارا مِين إِزْدِيكَن، مارا
 مِين إِعِيَزَن، مارا مِين غار إِدجا زَحس أَصْبَحان، وُشا مازا ذِين شا ن زَفْضَر نَبِغ شا
 إِسْداهْدَجَن شان، خارصم ذايِس. ⁹مِين نَغْرِيَم وُ ثَقْبِرَم، مِين نَسْرِيَم وُ ثَرْرِيَم ذايِي، كَم
 ت. وُشا أَرَبِي ن زَهنا أَذ كِيوم يِيزي!

أواز ذ وُسْدِجَم أَنكَارُو

¹⁰أَقَا فارغ أَطاس ذِي سِيدي وُمي أَسْجِيَسَف نوم أَكِيذِي اِنْوازَقَم عاوَد أَم ثوغا
 ثَفْكارم ذايِي، ماشا وار ثُوْفِيَم شا لُفورصا. ¹¹وار ت نَبِغ، مِينزِي نَش حواجغ شا،
 مِينزِي زَمذغ أَذ قَنعغ مامَّش ما د ثوسا. ¹²نَش زَمارغ أَذ قاوسغ وُشا أَقا سَنغ وُمي
 قارن أَقِيض. مانِيما وُ ذِي مارا أَقا زَمذغ أَجِيون ذ زار وُزا ذ ثِييوانت ذ زَعْبِن. ¹³قَدغ
 قاع زِي لَمسيح وُني ذ ايِي إِوْشِين جَهْد. ¹⁴واخا أَمْنِي مَلِيح زايِي د ايِي ثوْشِيَم

أَفُوسِ ذِي زَحْصَارْتِ اِنُو. ¹⁵تَسْمَ عَاوِذِ سِيْمَانْتِ نَوْمِ، اَفِيلِيَّيْنِ، بَلِي غَارِ وُْمَزَوَارُو
 ن زَخْبَارِ اَصْبَحَانِ وُْمِي ذِ فَعْغِ زِي مَاسِيْدُونِيَا، وُزَا ذِ اِشْتِ نِ تَمْسُمُونْتِ وَاَرِ ثَكِّي
 اَكِيْذِي زَحْسَابِ خِ مِيْنِ وُشِيْنِ ذِ مِيْنِ كَسِيْنِ، مُغِيْرِ ثَنِّي نَوْمِ وَاها. ¹⁶مِيْنِزِي عَاوِذِ ذِي
 نِيَسَالُونِيْكَ تَسْكَمِ اَبِي-دِ اِ زَغْبِنِ اِنُو، اِحِ نِ وُْمُوْرِ وُ اِحِ نِ وُْمُوْرِ نَضْنِي.
¹⁷وَاَرِ اَرْزُوْغِ تِيْمُوْشَا، مَاشَا اَرْزُوْغِ زَغِيْدِچْتِ ثَنِّي اِوَسْعِنِ اَطَاسِ ذِي زَحْسَابِ
 نَوْمِ. ¹⁸مَاشَا غَاْرِي كُوْرِشِي سِ زِيَاذَا. اَقَا شُوْرِغِ وُْمِي كَسِيْعِ زِي اِبَاْفُوْذِيُوْسِ مِيْنِ ذِ
 اَبِي تَسْكَمِ: اِشْتِ نِ زَفُوَاْحْتِ اِنْفُوْحِنِ ذِ نَاغَاْرِصْتِ يَارِضَانِ قِيْبَاتِيْشِ اِ اَرِّي. ¹⁹مَاشَا
 اَرِّي اِنُو اَذِ اِسْحِيُوْنِ مَارَا زَغْبِنِ نَوْمِ عِلَاْحَسَابِ اَكْرَا نَسِ ذِكْ وُغُوْدِچِي اِ اِدْچَانِ ذِي
 لَمْسِيْحِ يَشُو. ²⁰اَقَا اِ اَرِّي بَابَانْغِ اَذِ غَاْرَسِ يِيْرِي وُغُوْدِچِي اِ زَبْدَا قَاْعِ. اَمِيْنِ.
²¹سَدْچَمِ خِ كُوْرِ اَمَقْدَاسِ ذِي لَمْسِيْحِ يَشُو. اُوْمَانْتِ اِنِّي اَكِيْذِي تَسَدْچَامِنِ
 خَاوْمِ. ²²اَقَا مَارَا اِمَقْدَاسِنِ تَسَدْچَامِنِ خَاوْمِ، اَمَزَوَارُو اِنِّي اِدْچَانِ زِي نَاذَارْتِ نِ
 قَايِصَارِ. ²³تِيْعْمْتِ نِ سِيْذِي يَشُو لَمْسِيْحِ اَذِ تِيْرِي اَكِيْذُوْمِ مَارَا. اَمِيْنِ.